

---

**“Ёшлар дафтари”га киритилган Қувалик ёшларга тикув машиналари ва пайвандлаш дастгоҳлари тарқатилди.**

Ёшлар бандлигини таъминлаш, уларни якка тартибда тадбиркорлик фаолиятига йўналтириш энг долзарб масалалардан биридир. Бу борада Қува туманида бир қатор ишлар амалга оширилмоқда.

Қува тумани 1-сектор штабида ўтказилган тадбир ҳам ёшларнинг банлигини таъминлаш, уларнинг ўзини ўзи банд қилишга кўмаклашишга қаратилди.

Қува тумани ҳокими Халимжон Умаров, Ёшлар ишлари агентлиги, туман Давлат солиқ инспекцияси иштирок этган тадбирда 1-сектор ҳудудидаги 14 нафар “Ёшлар дафтари”га киритилган ёшларга субсидия асосида тикув машиналари ва пайвандлаш дастгоҳлари топширилди.

Тадбир давомида туман ҳокими ёшлар билан бўлган суҳбат давомида уларга якка тартибдаги тадбиркорлик фаолиятини йўлга қўйишларида яна қандай ёрдам зарур бўлса, ҳокимлик ва Ёшлар ишлари агентлиги томонидан етарлича имконият яратилиши, шартнома асосида буюртмалар топиб берилиши таъкидлади.

2022-11-18 11:13:24